

**Nuna tamakkerlugu kræfti pillugu pilersaarusiortoqarnissaa pillugu Naalakkersuisut kingusinnerpaamik 2011-mi suliamik aallartitsinissaat pillugu Inatsisartut aalajangiiffigisassaattut siunnersuut**  
(Inatsisartunut ilaasortaq Astrid Fleischer Rex, Demokraatit)

**Akissuteqaat**

(Peqqissutsimut Naalakkersuisoq Agathe Fontain)

**Aappassaaneerinninneq**

Siunnersuummi tunngavigineqarpoq kræftimik nappaateqartunut tamakkiisumik ungasinnerusorlu isigalugu suliniuteqartoqarnissaanik kissaateqartoqarnera, tamatumani anguniarneqarlutik kræftip pitsaaliorneqarnissaa, sapinngisamik siusissukut kræftip paasineqartarnissaa katsorsaanerullu piaarnerpaamik aallartinneqartarnissaata qulakkerneqartarnissaa.

Peqqissutsimut Ataatsimiititaliap maanna siunnersuut suliarisimalerpaa akissumminilu oqaatigalugu siunnersuut siullermeerinninnermi akuersaarneqarnerusoq, taamaattorli piffissaliussassatut missingiut ernumagineqartoq oqaatigalugu.

Tamanna tunuliaqutaralugu Peqqissutsimut Ataatsimiititaliaq aalajangiiffigisassatut siunnersuummut allannguutissatut ima siunnersuuteqarpoq:

Misissuinerit taakku nuna tamakkerlugu kræfti pillugu pilersaarummik piffissami qinersiviusumi matumani aallartinneqartussamik tapersiiviusinnaanngorlugit iluarsiiisutaasinnaanngorlugillu Kalaallit Nunaanni kræfteqartoqarnera kræftillu ineriartornera pillugu aqqissuussaasumik misissuinerinik aallartitsinissamut Naalakkersuisut piaartumik peqquneqarnissaannut aalajangiiffigasassatut siunnersuut. Tamatumunnga atatillugu Naalakkersuisut kingusinnerpaamik UKA2011-mi misissuinissamik isumaliutigineqartunut killiliussanik allakkatigut nassuiaatinngorlugit saqqummissapput.

Peqqissutsimut Ataatsimiititaliap siunnersuummik suliarinninneranut Naalakkersuisut qujapput.

Ungasinnerusoq eqqarsaatigalugu kræftimut tunngasuni iliuusissatut pilersaarusiornissamut Naalakkersuisut suli peqataarusupput, kiisalu kræftimut tunngasuni pinaveersaartitsinermut, nappaatigineqarnerata paasiniarneqartarneranut katsorsaanerullu tunngasuni maanna suliniarnerup annertussusaanik qulaajaaviusussanut killiliussanut nassuiaammik, nuna tamakkerlugu kræfti pillugu pilersaarusiornermik 2013-imi upernaq sioqqullugu aallartinneqartussamut tapersiiviusussamik, kingusinnerpaamik UKA 2011-mi Naalakkersuisut saqqummiinissaannik Peqqissutsimut Ataatsimiititaliap siunnersuuteqarnera isumaqataaffigalugu.

Sulineq tamanna Peqqissutsimut Naalakkersuisoqarfimmi pissaaq.  
Erseqqissaatigineqartuassaaq nassuiaammit imaluunniit pilersaarummi  
kaammattuutigineqartunit aallaaveqartumik aningaasaliissutissanik, aningaasaliissutissanut

sinaakkusiussat iluanni  
pisussaaffilerneqassanngimmat.

nassaarniarnissamut

naalackersuisoqarfik